



**Quæstionum Canonicarum, In Quinque Libros  
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

**Schlüter, Georg**

**Augustæ Vindelicorum, 1702**

Articulus III. De pœna contrahentium in gradu prohibito.

---

[urn:nbn:de:hbz:466:1-73058](#)

hensum; quia vel duxit uxorem fratris  
fui adhuc viventis, ut notat Joseph. l. 12.  
antig. c. 9. Nicephorus, & alii Historici;  
vel, si defunctus jam erat (ut credit Chry-  
stostomus. hom. 44. in Matth.) non tamen ea-  
rat defunctus absque liberis; habebat  
enim puellam illam saltatricem, & in tali  
casu prohibitum erat Levit. 18. jure divino  
in lege veteri.

1236. Praterterea not. 1. aliud esse, querere, an  
affinitas sit *vinculum naturale?* aliud, an  
*jure naturali dirimat* matrimonium.  
Nam hæc separari possunt; sic consan-  
guinitas naturaliter oritur non tantum in-  
ter eos, qui nascuntur ex eodem sanguine  
in primo, sed etiam in secundo, tertio, &  
quarto gradu, quin ea in his gradibus jure  
naturali dirimat matrimonium, & con-  
cedunt plurimi, & constat ex dictis. Un-  
de dato, quod non tantum ex copula con-  
jugali, sed etiam fornicularia *naturaliter*  
*consurgat* affinitas; ex hoc tamen non infertur,  
quod *naturaliter dirimat* matrimoniū.  
Prima pars constat, quia vir  
per carnalem copulam cum Berta, etiam  
secluso omnijure positivo, naturaliter ac-  
cedit *ad fines*, hoc est, *ad sanguinem*, ex  
quo descendit Berta, & confanguinei e-  
jus; ita Sanchez cit. d. 65. n. 4. cuius ratio  
est ex dictis. Secunda vero ex numero  
priori. Hinc, quando in c. qualiter, &c.  
de propinquis 35. q. 3. dicitur, *eodem*  
*modo abstinentum esse à nuptijs inter affi-*  
*nes, & consanguineos*, ex quo aliqui ar-  
guunt: sed inter consanguineos prohibi-  
tentur nuptiæ jure naturali in primo gradu  
linea rectæ; ergo etiam inter affines:  
respondet: eam aquiparationem inter  
consanguineos, & affines, non esse acci-  
piendam absolutè respectu *prohibitionis*  
*naturalis*; sed Ecclesiastica; ut, siue in-  
ter consanguineos jure Ecclesiastico illicet,  
ac irrita sunt nuptiæ in primo gradu linea  
rectæ, sic etiam inter affines.

1237. Not. 2. verba Pauli. 1. Cor. 5. ubi de his  
personis agit, & ait: *talis fornicatio, qua-*  
*lis nec inter gentes audiatur, ita, ut uxorem*  
*Patris sui aliquis habeat*; ex quibus ali-  
qui volunt jure gentium, talia connubia  
vetari: procedere solum de uxore Patris  
adhuc superstitis; alias enim non dixisset  
hoc delictum nec inter gentes auditum,  
nec uteretur verbo: *uxoris*; sed vocaret  
*reliclam Patris*. Ex hoc autem, quod

leges dicant, *candem his personis rever-*  
*entiam deberi*, *qua parentibus*, non re-  
stè sequi, intè illas affinitatem primi; vel  
ulteriorum graduum linea rectæ idem ei-  
dem jure præstare, quod naturalis cognati  
liberorum cum parentibus, vel econtra.  
Nam licet præster *idem jure* ex n. 1208. quia in illis  
reverentiam non æquè fundat jure na-  
turali, ac in ipsis; hi enim sunt *naturale prin-*  
*cipium* per se *liberorum*; non illi, ut per  
se patet; accedit, quod ejusmodi prohibi-  
tiones legum in causa matrimonij valorem  
specante, non attendantur ex jam dictis  
suprà.

### ARTICULUS III.

*De pena contrahentium in gradu*  
*prohibito.*

Qui sint gradus prohibiti, quibus nimili-  
num statibus, contrahere prohibitum est  
lege, ejusmodi contractum non tantum  
prohibente sed etiam annullante, exdi-  
gitis constat: quia tamen non raro contin-  
git, matrimonia contrahi in gradibus pro-  
hibitis, vel *scienter*, vel *ignoranter*; que-  
ritur. 1. quam penam tales incurvant? *Ecce*  
cos, qui *scienter* matrimonium contra-  
hunc in gradibus consanguinitatis, vel af-  
finitatis, jure canonico prohibitis, ex com-  
municando, denunciando, & vitando  
esse. Clement. unicā. Eos, qui h. t. ubi sic  
statuitur Eos, qui (divino timore postposito  
in suarum periculum animarum) *scien-*  
*ter* in gradibus consanguinitatis, & af-  
finitatis, constitutione canonica interdicit;  
aut cum monialibus contrahere matrimo-  
nia literiter non videntur: Nec non Religi-  
osos, & Moniales, ac Clericos in sacris ordi-  
nibus constitutos, matrimonia contrahen-  
tes, refrænare metu pœnae ab hujusmodi  
eorum temeritatis audacia cupientes:  
ipso excommunicationis sententie ipso  
facto decernimus subjaceret: Precepimus  
Ecclesiarum Praelatis, ut illos, quos eis  
constiterit taliter contraxisse, excommu-  
nicatos publicè tamdiu nuntient, seu à suis  
subditis faciant nuntiari, donec suum  
humiliter recognoscentes errorem sepa-  
rentur ab invicem, & absolutionis obti-  
nere beneficium mereantur; per predi-  
cta quoque juribus, qua sic contrahenti-  
bus alias pœnas imponunt, in nullo volu-  
mus derogari.

Circa

gloss. in dict. Clement. unic. V. contrahentes.

Not. 5. quod hanc poenam non incurrit contrahens cum ea, quam falsò putat suam consanguineam (quia non punitur sola voluntas, sed opus cum effectu c. s̄e vero 3. de sent. excommunicat.) ati sola sponsalia de futuro; quia constitutio dictæ Clementinæ loquitur de Matrimonio, quæ, cum poenalis sit, extendi non debet.

Not. 2. quod poenam excommunicationis imponat pro sex casibus matrimonij scienter contracti in gradibus per sacros canones prohibitis. 1. contracti in gradibus prohibitis consanguinitatis. 2. affinitatis. 3. contracti cum Moniali. 4. contracti à Religioso. 5. à Moniali. 6. à Clerico in sacris, ut aperè constat ex textu. Ex hoc sequitur, poenam hujus constitutionis non incurriri à contrahentibus matrimonij etiam scienter cum impedimento dirimere, v. g. ligaminis, justitia publicæ, disparis cultus &c. Nam poenæ ultima expressa extendi non debent.

Not. 3. poenam excommunicationis esse latæ sententiae ipso facto, & jure incurrere; constat ex cit. Clement. ibi: ipsos excommunicationis sententiae ipso facto decernimus subiacere; addito precepto locorum ordinarijs, ut reos tales demittant, & donec satisfecerint, vitari curant.

Not. 6. si quis bona fide contraxit ejusmodi matrimonium, & postea, re cognita, pergar codem uti, illum non incurrere eam poenam. Hæc enim imponitur pro contractu formaliter incestuoſo, qui in dato casu non adest; nam de rigore juris aliud est, matrimonium contrahere; aliud in contractu perseverare.

Not. 7. quod mulier secularis contrahens cum ordinato, vel Religioso non incurrit dictam excommunicationem; quia lata est solum in contrahentes ordinatos, vel Religiosos, & in contrahentes cum Monialibus, vel Monialem contrahentem.

Not. 8. non requiri ad incursum hujus poenæ, quod matrimonium sit consummatum; sed sufficere contractum, ut constat ex cit. Clem. ibi: qui scienter contrahere matrimonialiter non verentur.

Quæritur 2. an poenæ statuta in liberos eorum, qui clandestinè, ac nulliter matrimonia contrahunt in gradu prohibito, licet impedimentum ignoravent, afficiant liberos contrahentium clandestinè, cum nullitate matrimonij, ex quocunque impedimento dirimenter inductâ? sed ad hoc jam constat ex dictis à n. 705. ubi de poenis matrimonij clandestinè contracti, statutis tam in contrahentes, quam corum liberos, & assistentes matrimonio clandestino.

Quæritur 3. an valeat consuetudo matrimonium contrahendi in gradu prohibito: atque adeò: an consuetudo tam efficax sit, ut, qui iure canonico inhabiles sunt ad matrimonium, habiles reddat? Affirmandum videtur ex c. super co. 3. de Cognat. spirit. ibi: si de consuetudine habetur, quod talia conjugia (nimurum inter liberos compatrium) fastineantur, & permittantur, tu in eadem Ecclesia hujusmodi conjugia dissimulare poteris.

Contraarium videtur dici in c. quod super. 5. de consang. ubi Innocent. III. Rossa-

Ss

nenu

nenſi Archiepiscopo, qui Pontifici significavit, quosdam in sua diocesi in gradibus prohibitis matrimonia contrahere, *hoc ſibi licere de antiqua conſuetudine aſſerentes*, respondit: cūm in ſacris Canonibus gradus conſanguinitatis ſint diſtingui, & per eſdem inhibitum, ut nullus in ſtra ſeptimum gradum conſanguinitatis linea attingentem ſibi audeat in matrimonium copulare, iſpum ne in ſtra gradus eosdem contrahatur, debere publice inhibere, & preſumptores punire, non obſtante conſuetudine, qua dicēda eſt potius corruptela.

**1243.** Propter hanc, & ſimiles juris antilogias faltem apparentes, Canonifæ varijs modis aut exponunt, aut conciliare ſtudent praeditos canones, & de vi, ac efficacia conſuetudinis in eodem ad inducendum novum, vel abrogandum jus antiquum ex legibus vel ſacris canonibus inducū, in diuersas, & varijs dilcedunt opiniones, ut patet in praeferti materia apud Sanchez. L. 7. hic d. 4. Pontium l. 6. de impedim. c. 4. & seq.

**1244.** In hac re certum eſt 1. quod conſuetudo vim habeat abrogandi leges humanas, 1. ſi ſit legitime inducta, 2. ſi ſit legitime praescripta, ut conſtat ex c. fin. de conſuetud. ubi generaliter ſtatuitur, vires habere conſuetudinem ad derrogandum legi; quod faltem de legitima, vel legitime praescripta, accipendum.

**1245.** Certum pariter eſt. 2. quod non omnis conſuetudo jus novum faciat, aut vetus abroget. Nam 1. nulla conſuetudo facere potest licitum, quod jure divino naturali, vel positivo eſt illicitum, ut tenet communis cum Baldo in L. 2. C. de uſuris, & habetur c. Mala conſuetudo, c. veritatem, c. conſuetudinem. difſ. 8. c. Uſus. difſ. 11. c. Cū tanto. de conſuet. & ratio eſt, quia licet aliqua conſuetudo, ut dictum eſt, habeat vim abrogandi legem humanam ex c. fin. de conſuet. at hoc, vi hujus, non habet, niſi fuerit rationabilis, ut ibidem habetur; & c. 3. de eo, qui mittitur in poſſeſſionem, ibi: ſe laudabilem (minimū conſuetudinem) eſſe conſideris: at, facere, quod jure divino, naturali, vel positivo illicitum eſt, nequit eſſe rationabile, vel laudabile.

**1246.** Certum videtur. 3. conſuetudinem non habere vim abrogandi legem humana, ſine conſenſu Principis, faltem tacito, ſeu

legali in eo conſistente, quod edita conſtitutione, vel canone generaliter deſcribet, aut concedat ei, vim tollendi legem ſuam, ſi legitime inducatur. Nam ejusdem potestatis eſt debet; legem teneſſe, & abrogare; L. ſed & id. L. de quibus. ff. de Legibus. Cum ergo nullus, niſi Princeps, vel alius de conſenſu ejus, legem poſſit condere; etiam nullus, niſi Princeps, poſteſt legem conditam abrogare.

Et colligitur ex c. conſuetudinis. difſ. 1. ubi ſic habetur: conſuetudinis, uia que longavi non vilis authoritas eſt, ſed non uisque adeo ſui valitudo momento, ut rationem vincat, aut legem; ex quo vias, conſuetudini non negari omnem vim legem vincunt; ſed tantum eam, quam habeat ex ſai momento, ſeu natura ſu; igitur non eam, quam habeat altiude, minirum ex adjuncto Principis conſenſu.

Certum videtur. 4. hunc Principis conſenſu non addefeſe, ne quidem preſumtive, quando conſuetudo eſt contra ius diuinum, naturalē, vel poſitivum. Talis enim conſenſu eſt proſuſis irrationabilis, & potius conſenſu in corruptelam, quam in uiuſu laudabilem.

Certum videtur. 5. conſuetudinem faci (quatenus eft frequentia operandi libere codem modo) non propter ea deſtitu conſenſu Principis faltem legali, quod ſi contra legem ſuam; nam eti verum ſa, quod, ut conſuetudo vim habeat, rationabilis eſſe debet (cum impossibilium, & turpium nulla ſit obligatio, ut alias dictum eft hoc tamē non ita intelligendum eft, quia irrationabilis fit eo ipſo, quo eft contra legem, cui contrariatur; ſic enim nulla conſuetudo rationabilis eft, qua agerat contra legem, quam abrogare vellet).

Quando igitur dicitur, ut conſuetudo habeat vim abrogandi legem, debet rationabilem eſſe, ſenſus eft, debere talcm offe, qua alijs, & ſeclusa tali lege, quam abrogare querit, non continet turpitudinem vel deformitatem, ſive contra legem diuinam, & naturalem aquitatem, ſeu rationem; & propter frequentiam uisit tandem temporis digna ſit, qua pro lege habeatur ſublata contraria; ita Sanchez cit. n. 14. ubi ait, nunquam censeri conſuetudinem ratione diſſonam, niſi juri diuino, aut naturali refragetur, his politis.

Quæstiō est, an ea consuetudo, quam leges, vel sacri canones, reprobant, & corruptelam potius, quam consuetudinem appetant, vim habeat abrogandi legem à Principe constitutam? ante responsonem nota, corruptelam à Pereyra in Elucidat. l. 1. elucidat. g. n. 252. definiti: per veram consequendinem, sacris canonibus inimicam. c. Cūm venerabilis. de consult. c. Cūm decorum. de vita & honest. cleric. quo posito, stando in hac definitione corruptela, probabilius videtur, legem humanam abrogari non posse consuetudine facti, quam Princeps, talis legis conditor, aut eius successor reprobat tanquam corruptelam. Ratio est 1. ex n. 1246. quia talis consuetudo nequit habere verum consensum Principis, etiam legalem; & sine hoc, consuetudo vim abrogandi legem habere non potest. Deinde: lex debet esse honesta, directeque intendere bonum communitatis, quam ligare, seu obtrinere debet. Nam in eo essentia liter differunt, *jus jurisdictionis gubernative*, quod legislativam includit; & *jus proprietatis*, quod iustitiam communitativam fundat; quod illud, respiciat directe bonum subditorum, & communitatis, quam gubernat; istud commodum habentis proprietatem: hoc attem intenden-  
to potest confuerudo *perversa*, seu *morum corruptiva*, qualis est, quæ lege Princeps reprobat tanquam corruptela; ergo:

Confirmatur; quia consuetudo dilatoriationi, non est consuetudo rationabilis, prout requiritur, ut consuetudo habeat vim abrogandi legem, ex n. 1245. sed consuetudo, quam Princeps, vel leges reprobant tanquam corruptelam; non est consuetudo rationabilis, prout requiritur. Nam ad hoc requiritur, ut non sit diffonia recte rationi naturali, ex n. 1245. consuetudo autem, quam iura improbar, dislocat ratione tesse gloss. in c. fin. consult. V. Rationabilis; ac Innocent. ibid. in fine; nam corruptelam motum naturalis ratio, quæ recta est, approbare non potest; & ita tenet Goffredus, Holtiensis, Abbas, Ancharan: Sylvester, Rosella, Covar. Henr. & alij apud Sanchez l. 7. hie d. 4. n. 13; in fine.

Ex dictis colliges. 1. consuetudinem, quam iura potius corruptelam nuncupant,  
Tom. IV.

nec novum jus inducere, nec antiquum abrogare posse. Ratio est ex dictis. Nam consuetudo, quæ eam vim habet, pro lege haberi debet; L. de quibus. Q. 1. ff. de Legibus. at consuetudo, quam iura corruptelam potius nuncupant, pro lege haberi non potest. Lex enim debet esse in finem boni communis, nimis ad perfectionem non corruptionem reipublicæ humanæ, per bonos, & honestos mores gubernande; quod habere nequit corruptela, & consuetudo perversa.

Colliges 2. per consuetudinem, quæ plus nocet bono communi, quæ proficit, nullam legis humanæ prohibitionem abrogari posse. Nam cūm id non habeat ulla consuetudo, nisi pro lege habenda sit; pro lege autem haberi non possit, quæ bono communi plus nocet, quam proficit (cūm sic potius corruptela sit, & eo ipso careat titulus *necessitatis*, quæ requiritur, ut lex justa sit) eo ipso carebit vi, ac efficaciam, ullam humanæ legis prohibitionem abrogandi.

Ex hoc colliges. 3. nullā consuetudine, 12524 Laicos posse acquirere jurisdictionem in Clericos; cūm de jure divino, saltem tradito, sint exempti, ut docet Carolus Antonellus de Regimine Ecclesiæ Episcopalis. l. 1. c. 1. Q. 2. n. 31. ex c. si Imperator. dī. 96. c. Relatum. l. 1. q. 1. c. quanquam de censibus in 6. citans pro se Bonacini. de legibus. 10. q. 2. p. 1. Q. 1. n. 3. Dianam p. 5. tr. 1. refol. 1. &c. id, quod pluribus ostendimus l. 1. tit. 2. de constitut.

Colliges 4. omnem illam consuetudinem, contra legem humanam, corruptelam dici, quæ est contra legem humanam præcipientem, & prohibentem, quod jure divino, vel naturali præceptum, vel prohibitum est. sic Antonellus cit. n. 30. & constat. ex n. 1245. dixi: illam omnem; ut innuorem, sed non solam, propter dicta in præmissis; & ratio est, quia etiam consuetudo immediate opposita soli humanæ legi potest esse morum corruptela.

Nota autem, confuerudinem aliam cf. 1254, se secundum; aliam, *præter*; aliam, *contraria*, seu legem. Consuetudo secundum *jus*, non est *consuetudo juris* (quæ definitur, *jus moribus constitutum*, quod pro lege suscipitur. L. de quibus. Q. 1. ff. de Legibus) sed *consuetudo facti*, seu potius observantia

juris præexistentis, quin sit inducita novi juris, & definitur, frequentia actuum humanorum, similium tempore continuata, ut ait Suarez l. 7. de legibus. c. 1. n. 4. Talis est consuetudo audiendi sacram die festo. Et quia fundamentum ejus est lex, quam imitatur, & exequitur, abrogata tali lege censetur etiam abrogata consuetudo illi nixa, quæ non est dispositiva, sed solum imitativa juris.

1255. Consuetudo *præter legem* est, per quam jus novum introducitur. Unde, cum c. 5. dist. 1. dicitur: *consuetudo pro lege suscipitur, ubi lex deficit*, de consuetudine *præter legem* intelligendum est; cum parrem cum Lege vim habeat. *L. de quibus. 32. cum sequentibus ff. de Legibus.* consuetudo demum *contra legem* est, per quam lex, seu jus præexistentis, tollitur, & abrogatur, de qua mentio est. *c. fin. b. r.* His addunt aliqui divisionem consuetudinis in canonicam, & civilem, quæ divisio sumitur à materia, circa quam versatur, de qua divisione Pirhing. n. 7. de *consuetudine*.

1256. Hinc colliges 5. quando consuetudini, quam jura reprobant, & potius corruptam vocant, negamus vim, & efficaciam abrogandi legem humanam, nos loqui de illa, quæ est *contra legem*; ac tandem idem censendum de tali consuetudine *præter legem*, quoad vim novi juris inducivam, *quamvis talis est*, nimis perversa, & corruptiva: dico: *quamvis talis est.* Nam, cum in rebus humanis, pro varietate temporum, maxime non raro fiant mutationes morum, & quæ aliquo tempore proficia fuerunt adeò, ut etiam legi conditæ præciperentur, successu temporis non modò non proficia, sed obscurata potius videantur, (& ideo etiam leges antique vel aboleantur, vel restringantur ab amplitudine prohibitionum, ut manifestum est in ipsiis quoque legibus Ecclesiasticis, etiam circa impedimenta matrimonij, ut haec tenus vissum est) ideo, quæ diximus de consuetudine, quam jura reprobant, rectè intelligenda veniunt solum pro casu, quo consuetudo talis manet perversa, & corruptela.

1257. Si autem queras, quando censeri possit, aut debeat, quod consuetudo, quam Principes, vel jura tanquam perversam, & potius corruptelam nuncupabant, *talis esse deserit?* R. id explicari posse per doctrinam, quam tradit P. Sanchez l. 7. h. 4. n. 14. in medio: *tunc consuetudinem censeri rationi congruentem* (consequenter rationabilem, ut habeat vim indicandi, vel abrogandi jus humanum, juxta c. fin. de consuet. atque adeò desisse perversam esse, & morum corruptivam) quando de eadem re seu materia, (de qua est consuetudo) justa esset lex denuo edita, priori mutata, si aliqua sit; vel minimè mutata, si que nondum existat. Rationem dat: qui cum consuetudo (præter aut contra legem) debeat vim legis habere, eadem honestate illam converti opus est, ac sufficit, quam lex ipsa postulat: sic ille.

Ex quo colliges. 6. nisi consuetudo, temporum successione inducta; talis sit, ut id, de quo ipsa est, merito possit sub novam legem cadere, si ante nulla fuit; vel si aliqua lex ei contraria fuit, merito mutari possit, eam consuetudinem, his carentem, manere inefficacem, ut novum jus inducat præter jus præexistentis; vel vetus abroget, quod præexistit. Ratio est ex dictis. Et ex his tandem concluditur, consuetudinem contrahendi matrimonia in gradu consanguinitatis prohibito, non posse reddere habilem ad matrimonium validè contrahendum (post c. *quod super in n. 1242.* ubi talis consuetudo dicitur potius corrupta) nisi ubi lex ea, matrimonia irritans, ex causa, de qua n. 1257. merito mutari possit ita (nimis cauis siue suadentibus) ut contra priorem demum alia induci possit.

Ex hoc etiam in concordiam reduci possunt c. *super eo*, & c. *quod super*, de quibus n. 1242. Nam in c. *super eo*, solum dicit Pontifex: *quod Episcopus, si per neutrum eorum ad compatriotatem ventum fuerit, & eis Ecclesiae Metropolitanae, & altiarum circumscriptarum consuetudo id habeat, dissimilare poterit, non contradicendo, sed nec assensum præbendo*, ne propter matrimonia, quæ liberi compatrium interfere contrahunt, hujusmodi conjugis Episcopalis assensus, in exemplum assumatur: at in c. *quod super*, longè aliud dicitur: nam ibi universaliter reprobatur consuetudo contrahendi matrimonia in gradibus prohibitus; quia, ut notat glossa: *V. non obstante*, tempore Alexandri III. à quo est c. *Super eo, crimen non erat, matrimonium inter eas personas contrahi, ex usu Ecclesie solum*

solum privatae; secus tempore posteriori, quo Innocentius III. hanc consuetudinem, etiam in Ecclesia privata, reprobavit; fortassis etiam ideo, quod illa consuetudo semper latius serpebat, usu vulgi, imo & aliorum, qui de vulgo non sunt, quibus quidlibet contra jus humanum licitum suader, trifissimum illud: sic est in usu, sic est consuetudo, & praxis, non attendentibus, quid fieri bono communi expediatur, sed quid fiat, quounque tandem sine fiat? que ratio pessima est; & gravissime reipublice noxia, ut ostendit evidens experientia, quae innumeris casibus demonstrari posset, & cuique patet.

1160. P. Wagner in c. quod super, ait, hoc capitulum per quod reprobatur consuetudo illa, loqui de consuetudine irrationali, nec tempore legitimo praescripta, quater requiritur ex c. fin. de consuet. capitulum autem super eo, de consuetudine, que tunc rationabilis erat; & sic neutrum alteri contraire. Illud ad extremum hic annotandum venit, quod annotavit Pon-

tius l. 6. de impedim. c. 5. n. 3. discriben esse inter consuetudinem, & prescriptio nem, quod consuetudo contra legem humanaam induci possit actibus à principio injustis, & cum mala fide; prescriptio autem introduci non possit, nisi actibus à principio justis, & cum bona fide; quod mala fides in consuetudine purgari possit (imo in quantum est praeceps contra legem, quam abrogare querit, in consuetudine non curetur ex n. 1251.) in prescriptione autem secus; quia expresso jure c. fin. de prescript. requiritur; ut, qui prescribit, in nulla temporis parte rei habeat conscientiam alienae; ubi Wagner in Exegesi ad hoc c. ait, hic expressus; ac directe reprobari prescriptionem cum mala fide in foro tam civili, quam canonico; quia Pontificem in his, quae concernunt animam, five peccatum, jus civile tollere, aut abrogare posse, apud Catholicos est extra controversiam,

& habetur in c. Novit. de Ju-  
dic. sic ille.

## QUÆSTIO XV.

In Tit. XV. De Frigidis, &amp; Maleficiatis, &amp; Impotentia coëundi.

1161. Super hoc titulo scribit Wagner, si ejus materia in praxi disceptanda occurrat (quod rarius evenit) apud Casistas faciliter reperi, ubi de impedimento Impotentiae agunt; nec parum pendere à Judicio medicorum in hac materia confundendorum; que autem pure Canones decernunt, difficultatem non habere, his tamen non obstantibus judicamus, hunc titulum secundum factos Canones à nobis explicandum propter ea, quæ non raro in sacris Consistorijs occurront.

ARTICULUS I.

Quid, & quotuplex sit Impotentia?

1162. Impotentia, prout hic accipitur, est inhabilitas nascens ex defectu potentiae vel ad generationem prolis, vel ad carnalem copulam. Impotentia ad generationem prolis vocari solet sterilitas, seu infecunditas, nec obstat valori veri conjugii, sed ad potentia ad carnalem copulam, hoc

est, ad penetrandum vas naturale feminae, & semen generationi aptum intra illum effundendum, vel recipiendum; ex quo per oppositum conflat, quid sit impotentia ad copulam. Hac alia est ex parte viri, ut si sit nimis frigidus (puta cum ex defectu caloris naturalis coire non potest) aut nimium calidus (naturæ nimirum citius, cum primum feminam tangit, semen effundente, quin ad locum debitum perveniat) aut ex alio vitio vel defectu copulam perfectam exercere non potest; vel ex parte feminæ, ut si sit nimis arcta in vase naturali, consequenter non penetrabili, in tantum, ut intra se recipiat virile semen. Et hoc provenire potest vel ab intrinseco, seu à natura (puta, debilitate, frigiditate, vel nimio calore) quæ naturalis dicitur; vel ab extrinseco, & accidenti, nimirum aliunde, v.g. ex maleficio, castratione &c. Deinde talis impotentia potest esse vel absolute in viro, respectu omnium; aut respectiva, nimirum respectu unius, vel plurium feminarum;